

**BIN CONTROLA BO
SALUD NA CENTRO DI
BARIO PLAYA PABAO**



WWW.SOLODIPUEBLO.COM



SOLODIPUEBLO@GMAIL.COM

**Hues a aproba pa interoga cuater testigo den caso di
malversacion contra Besaril y Ling**

FISCAL LO BAY CUMINSA CASO PA BESARIL PAGA 197 MIL FLORIN



Parlamentario Shailiny Tromp-Lee (MEP) na Gerlien Croes (Futuro):

STOP DI HUNGA CIEGO-MUDO Y CUMINSA DEMOSTRA TRASPARENCIA Y RESPONSABILIDAD

Carta a keda entrega na Gobernador dia 7 di maart y no dia 10 mane kier insinua

Durante evento "Women and Technology:
Inspiring Stories in the GCC countries"

PROME MINISTER A COMPARTI ARUBA SU VISION- Y PLANNAN DI E-GOVERNMENT



Riba piso cinco di HOH cu un
bunita bista di lama:

HOH TA ANUNCIA PROYECTO DI UN CENTRO DI DIALISIS NOBO



Prome Minister Evelyn Wever-Croes:

Como un di e reunionnan mas importante di CSW conference;
**PROME MINISTER A ATENDE MINISTERIAL
ROUND TABLE NA NACIONNAN UNI**

“Te riba e ultimo dia, mi lo ta trahando representando orguyosamente
cada ciudadano di Aruba”



mester atende cu nan, pero eynan Gobierno hunto cu stakeholders y NGOs ta trahando duro pa por finalisa.

E ‘Commission on the Status of Women’ ta e principal organo intergubernamental mundial dedica exclusivamente na promove igualdad di genero, derechonan y empoderamento di hende muhe, documentando e realidad di nan bida rond mundo y forma standardnan global riba esaki.

Prome Minister: “Pero ora bo papia di hende muhe, bo no ta papia solamente di violencia y obstaculonan. Ami ta enfoca tambe riba oportunidadnan cu



nos por crea pa e hende muhe principalmente den e area di tecnologia. Esaki ta bin cu su reto- y riesgonan pero tin hopi oportunidad den e area ey pa nos hende muhenan y mucha muhenan, y nos ta bin ta haciendo esaki pa varios aña caba a travez di Futura.

Cu hopi orguyo mi a

comparti tur e storianan di exito di Aruba durante mi discursonan. Ainda tin mas reunion- y eventonan pa atende unda mi lo sigui trece padilanti e storianan di exito y e vision- y logronan di Aruba. Te riba e ultimo dia, mi lo ta trahando representando orguyosamente, cada ciudadano di nos dushi isla Aruba”.

- Despues cu Aruba a celebra Dia Internacional di Hende Muhe den gran forma, Prome Minister Evelyn Wever-Croes a biaha pa Nacionnan Uni pa atende e “69th Commission on the Status of Women (CSW69)”. CSW conference cu ta tuma lugar anualmente unda paisnan ta manda nan lidernan, specialmente lidernan femenino, pa duna cuenta riba e trabounan cu nan ta haciendo riba derechonan di hende muhe y mucha muhe.

Durante e Ministerial Round Table, cu ta un di e reunionnan mas importante di e conferencia, ministernan di cada pais ta hiba palabra y ta duna un update di kico nan ta haciendo en cuanto e tema di derechonan di hende muhe y mucha muhe. Prome Minister di

Aruba, na su turno a splica cu Aruba ta pone hopi atencion y enfoka riba e posicion di hende muhe y mucha muhe. Durante su gobierno a traha un Gender Policy unda ta indica riba e posicion di hende muhe y mucha muhe y kico mester haci pa fortifica nan posicion y duna nan mas oportunidad. Pa su persona, como un Prome Minister femenino esaki ta algo di gran importancia y por mira resultadonan positivo ya cu Aruba a avansa hopi pero ainda tin hopi reto.

Tambe durante e reunion a papia riba ‘gender-based violence’ cu ta violencia contra hende muhe simplemente pasobra e ta di e sexo femenino. Aki Prome Minister a duna un splicacion di tur loke Aruba ta haciendo pa esey y cu ainda tin algun ley cu



Peticion pa aprobacion di un plan di parcelacion na **Bubali** conforme art. 33 di e Ordenanza di desaroyo teritorial (LRO). E concepto di e plan di parcelacion ta poni pa inspeccion publico na **DIP, Sabana Blanco 68**, cu reserva di tur derecho cu cambianan por wordo hasi na e parcelacion, durante un luna desde dia 13 maart 2025 durante oranan di trabao. Tambe e plan por wordo mira riba www.dip.aw. Interesadonan por entrega te cu un luna despues di e termino aki nan punto di bista por escrito tocante e concepto di e plan di parcelacion serca Ministro di Asuntonan General, Organizacion Gubernamental, Infraestructura i Planificacion Ambiental pa medio di e director di DIP.



Peticion pa aprobacion di un plan di parcelacion na **Bushiri** conforme art. 33 di e Ordenanza di desaroyo teritorial (LRO). E concepto di e plan di parcelacion ta poni pa inspeccion publico na **DIP, Sabana Blanco 68**, cu reserva di tur derecho cu cambianan por wordo hasi na e parcelacion, durante un luna desde dia 13 maart 2025 durante oranan di trabao. Tambe e plan por wordo mira riba www.dip.aw. Interesadonan por entrega te cu un luna despues di e termino aki nan punto di bista por escrito tocante e concepto di e plan di parcelacion serca Ministro di Asuntonan General, Organizacion Gubernamental, Infraestructura i Planificacion Ambiental pa medio di e director di DIP.

Prome Minister Evelyn Wever-Croes:

Durante evento “Women and Technology: Inspiring Stories in the GCC countries”

PROME MINISTER A COMPARTI ARUBA SU VISION- Y PLANNAN DI E-GOVERNMENT



Prome Minister Evelyn Wever-Croes actualmente ta na Nacionnan Uni atendiendo e conferencia “Commission on the Status of Women” (CSW69). Prome Minister ta representando Aruba y ta lidera e delegacion di Reino, consistiendo di Embahadora Lise Gregoire, Secretario di Estado OCW di Hulanda, Mariëlle Paul y Minister Plenipotenciario di Sint Maarten, Gracita Arrindell.

Durante e conferencia di CSW69, Prome Minister di Aruba a hiba palabra na varios evento. Uno hopi interesante tawata “Women and Technology: Inspiring Stories in the GCC Countries”, organisa pa paisnan Arabe. Aki e mandatario a comparti Aruba su vision- y plannan ambicioso di digitalisacion y e rol di e hende muhe den esaki.

Den su discurso, Prome Minister e elabora riba e

impacto di hende muhe den tecnologia y innovacion y el a comparti Aruba su biahe den transformacion digital, un biahe guia pa e compromiso pa inclusion, innovacion y progreso. El a señala riba e introduccion di e-Government, cu ta un vision pa digitalisa servicionan publico y modernisa gobernacion. Ademá Prome Minister a enfatisa riba e financiamiento di Union Europeo di 14 miyon euro cual no solamente lo fortalece e infraestructura tecnologico, pero tambe lo mehora inclusion digital y seguridad cibernetico pa nos pais.

Prome Minister a agrega cu den e proximo simannan, lo publica e Change Management Plan, cu a wordo desaroya den colaboracion cu Estonia e-Governance Academy. Esaki lo habri caminda pa implementacion di un plataforma cu lo integra e sistemanan di Departamento di Registro Civil, Departamento di Integracion y Departamento di Impuesto. E meta ta pa tin mas di 30% di e servicionan gubernamental interoperabel pa aña 2026, sigurando un prestacion di servicio mas lihe, mas eficiente y centra riba e ciudadanonan.

“Mientras tecnologia ta impulsa transformacion, liderazgo ta impulsa cambio. Aruba ta keda firme den su compromiso cu e liderazgo di hende muhe den STEM (Science, Technology, Engineering and Mathematics), gobernacion digital y innovacion. Mientras cu nos ta traha pa un futuro digitalmente mas inclusivo, nos mester sigura cu tecnologia ta empodera, conecta y



eleva cada miembro di sociedad. Hunto laga nos forma un futuro caminda transformacion digital no ta djis un plan, sino un

promesa di progreso pa tur hende muhe y henter mundo”, Prome Minister a expresa.



Feliz Dia di Himno y Bandera

En conexion cu Dia di Himno y Bandera nos oficianan lo ta cera riba dialuna 17 y diamars 18 di maart 2025.



Den caso di emergencia, por yama libremente nos Storingsdienst na 523-7147.



NoticiadiCorte

Hues a aproba pa interoga cuater testigo den caso di malversacion contra Besaril y Ling

FISCAL LO BAY CUMINSA CASO PA BESARIL PAGA 197 MIL FLORIN -1-

– Awe mainta den sala di Corte di Husticia di Aruba, a cuminsa cu e caso penal contra W.Besaril (51) y Ling (62). Ambos ta wordo acusa di malversacion di placanan di Aruba huis. Besaril tabata e Minister Plenipotenciario di Aruba na Hulanda, mientras Ling tabata e director di Arubahuis. Awe no tabatin tratamento di e caso sino cu abogado a pidi pa scucha testigonan.

SOLO DI PUEBLO por a compronde cu Fiscal a laga sa cu lo bay cuminsa un caso separa pa demanda cu Besaril mester paga 197 mil florin na Gobierno.

MALVERSACION DI PLACANAN

E acusacionnan cu Fiscal a presenta contra Beseral y Ling ta:

- entre 16 April 2018 te 15 Maart 2022 na Aruba y Hulanda como Ministro Plenipotenciario, y director di Arubahuis, intencional a malversa mas di 14 Mil florin di pago di recibo di Setar.
- entre 20 November 2017 te 15 Maart 2022 na Aruba y Hulanda, intencional a malversa mas di 50 Mil florin pa paga huur di cas.
- entre November 2017 te 30 Juni 2022 na Aruba y Hulanda, intencional a malversa mas cu 20 mil florin pa paga servicio cu tabatin.
- entre 16 December 2020 te 3 di Februari 2021 na Aruba y Hulanda, intencional a malversa casi 4 mil florin pa paga ticket y otro

gastonan,

- entre 20 November 2017 te 30 di Juni 2022 na Aruba y Hulanda intencional, a malversa 25 mil florin pa paga restaurantnan, horeca, gas stations.

- A abusa di nan funcion pa paga gastonan priva.

Fiscal tambe a bisa Hues cu lo bay cuminsa un otro caso penal caminda lo demanda pa Besaril paga bek na Aruba, mas cu 197 mil florin.

ABOGADO A PIDI PA SCUCHA TESTIGONAN

Mr. Canwood a haci peticion pa investigacionnan cu e kier. E abogado a muestra cu tin acusacionnan cu ta inhusto basa riba raportnan di CAD. Na opinion di mr. Canwood, CAD ta colga Besaril pa cosnan cu no ta toca Besaril. E abogado ta haya cu mester scucha testigonan pa haya sa kico tabata e maneho di placa tempo di Besaril y kico ta e cambionan.

E abogado a remarca cu ta parce cu ta solamente Besaril mester wordo colga y otronan no. E ta haya cu tin un pinta politico fuerte den e caso aki. Mr. Canwood a menciona nomber di Paris cu tambe tabata haci cosnan cu tabata wordo aproba pa Parlamento. Pero pa Besaril si no ta asina. Ta acusa Besaril di no a sigui proceduranan siendo cu Besaril tabata wordo guia pa e personal na Arubahuis. E abogado a bisa Hues cu pesey e kier interoga e homber y e

dama Giel, kendenan tabata encarga den varios di e acusacionnan. Tambe e abogado a pidi pa interoga e Minister Plenipotenciario actual mr. Ady Thijsen. E abogado a muestra cu mr. Thijsen tambe ta usando un propio cas di huur y no e cas cu Gobierno tin disponibel p'e. Segun abogado, mr. Thijsen a laga pone cosnan den cas. Eseyan ta mescos cu Besaril. Abogado a muestra cu semper e tabata asina y e personal a bisa Besaril cu e por haci asina, pero awor ta wordo persigui Besaril pa malversacion.

Hues a puntra pakico kier scucha señora Oduber (coordinador di presupuesto di Gobierno). Hues ta haya cu Oduber a duna declaracion amplio. Mr. Canwood ta haya cu tin mas preguntanan cu e kier haci. El a bisa cu tabatin tardanza riba preguntanan cu Besaril a haci y na opinion di mr. Canwood, señora Oduber lo por duna splicacion. E abogado tambe a pidi pa scucha entre otro e chofer di Besaril y señora Larez. Tambe el a pidi pa scucha Derick Werleman, e presidente di Algemente Reken Kamer Frederick Nuboer, Anthony Giel, Shila Giel, secretario di Consejo di Minister, señora Hoeverts y señora Koolman tambe. E abogado ta haya cu e testigonan lo por duna claridad den maneho y cu Besaril no a haci cosnan manera e ta wordo acusa di dje.

Continuacion pag 6

RIBA ROTONDE NA WAYACA CHAUFFEUR NO A LOGRA PARA Y A BAY DAL TRAS DI AUTO



Diamars atardi a drenta informe di un accidente cu hende herida na e rotonde na Wayaca, mesora a

dirigi tanto polis como ambulans na e sitio. Na yegada di e patruya a bin compronde cu aki ta trata di un accidente unda un chauffeur cu a bay subi e rotonde no a haya chens pa para y a bay dal tras di e auto su dilanti. Debi na e impacto aki e persona den e auto dilanti a sinti e dolornan di un "Whiplash".



Na yegada di e personal di ambulans a revis'e y a consehe si e sigui haya dolor pa e bay hospital.

Parlamentario Shailiny Tromp-Lee (MEP) na Gerlien Croes (Futuro):

STOP DI HUNGA CIEGO-MUDO Y CUMINSA DEMOSTRA TRASPARENCIA Y RESPONSABILIDAD

Carta a keda entrega na Gobernador dia 7 di maart y no dia 10 mane kier insinua



Diabierna 7 di maart 2025 Fraccion di MEP a entrega un carta oficial na Gobernador di Aruba pa trata nos preocupacion encuan to e manera con Presidente di Parlamento sra. Gerlien Croes a bin ta dirigi reunionnan den sala di Parlamento. Esaki despues cu el a schors e reunion di tratamiento di presupuesto di pais Aruba dictatorialemente despues cu porfin esaki a keda yama. Despues di a tuma nota di reaccion di sra. Croes ayera, 10 di maart 2025, den prensa encuan to nos carta y scuch’e papia encuan to e reunion di dia 7 di maart 2025, ta imposibel pa keda sin reacciona.

Segun Gerlien Croes nos reaccion a bin cu vertringing y cu el a haya esaki hopi laat. Segun su persona nos a haci recapacitacion politico durante weekend y a entrega e carta ayera dialuna 10 di maart 2025. Lo ta bon pa e tuma nota di e stempel riba e carta cu nos a manda y cu a keda ricibi pa Gobernador. E stempel riba e copia cu nos a entrega na Gobernador ta bisa duidelijk in ontvangst genomen 7 mar 2025 Kabinet van de Gouverneur van Aruba. Mesun dia cu e reunion publico a tuma lugar y no dia 10 di maart 2025 manera sra. Croes ta insinua. Lo ta bon pa nos informa pueblo

cu enberdad sra. Gerlien Croes durante e reunion di dia 7 di maart no sa nada di loke MEP a haci y bisa pasobra el a hunga ciego y sordo pa loke ta trata nos Fraccion. Cumpliendo cu su plan cu AVP, despues cu Mike Eman a lesa e famoso amienda, el a dicidi di schors reunion mirando cu e amienda ta cambia e esencia di e presupuesto presenta pa Gabinete Wever-Croes y cu e ta bay manda esaki pa haya consejo di CAFT y Raad van Advies. Mirando cu e tabata “sordo y ciego” pa Fraccion di MEP, e no a scucha e grito di nos Lider di Fraccion pa un punto di ordo prome cu el a anuncia cu e ta bay schors e reunion y tampoco a mira e mannan pidiendo atencion. El a anuncia schorsing y haci manera nada un pasa. Contento sigur nos Fraccion no tabata ta y nos a bis’e algun frase duidelijk al respecto pero awor e kier haci manera e no a scuchanan.

Sigur e 12 parlamentarionan cu a firma e amienda no tin nada en contra pa bisa, pero lastimamente usando dictadura y haciendo mal uzo di su poder sra. Gerlien Croes a schors e reunion sin tabatin e decensia di puntra e demas 9 miembronan di Parlamento pa nan opinion y a kita nan oportunidad pa papia (presenta mocion of amienda). Achteraf e kier chercha y bisa hasta cu e ta sorpresa cu ningun otro amienda a keda entrega e mainta aki. Ta con hipocrita bo por ta? Ningun hende mas cu excepcion di Mike Eman a keda duna e oportunidad pa papia y bo a schors e reunion sin tene cuenta cu sprekerslijst, peticion pa punto di ordo y opinion

di fraccionnan den oposicion. Tanto sra. Croes tabata canta y toca bunita durante 3 aña encuan to democracia, transparencia y dictadura, awe nos ta wak cu e ta kibrando tur nota y instrument. Esaki sigur no na bienestar general.

Necesidad di trata y aproba presupuesto di pais Aruba ta uno serio. Ta importante y urgente pa duna presupuesto 2025 nos aprobacion pa asina empodera

gobierno pa por cumpli cu e.o., nos obligacionnan financiero, sigui haci inversionnan necesario y sigui brinda pueblo e servicionnan necesario. Innecesariamente ta sigui (!) tranca e proceso pasobra realidad ta cu nos por a trata e presupuesto y aproba esaki y asina nan ta den gobierno, na un manera responsabel, ta presenta e voorjaarsnota acompaña pa e cambionan necesario den presupuesto.

| Corte di Prome Instancia 12 maart 2025 | | |
|--|------------------|---|
| Horario | Sospechoso | Acto Castigabel |
| 08.30 | G.F.B. G.Y.L. | B. y L. ta wordo acusa di (den e periodo di 16 di april 2019 te 15 di maart 2022 na Aruba y Hulanda) a intencionalmente malversa 14.000 y pico florin y di (den e periodo di 20 di november 2017 te 15 di maart 2022 na Aruba y Hulanda) a intencionalmente malversa 50.000 y pico florin y di 20.000 y pico florin, y di (den e periodo di 16 di december 2020 te 3 di februari 2021 na Aruba y Hulanda) a intencionalmente malversa un suma di casi 4.000 florin y di (den e periodo di 20 di november 2017 te 30 di juni 2022 na Aruba y Hulanda) a intencionalmente malversa casi 25.000 florin, cualnan nan tabatin bao nan como respectivamente minister plenipotenciario y director di Arubahuis. B. y L. ta wordo acusa di (den e periodo di 20 november 2017 te 30 di juni 2022 na Aruba y Hulanda) a intencionalmente malusa nan funcion di respectivamente minister plenipotenciario y director di Arubahuis dor di usa placa di Arubahuis y Pais Aruba pa paga gastonan priva di Setar, laga haci trabaonan di limpieza y mantenimiento di cas y hoffi y cumpra cos di cas/muebles/alarma, paga un compania pa consejo personal di PR y haci pagonan personal. Contra B. lo trata ademas un reclamacion di decomiso di mas cu 197.000 florin. |

Continuacion di pag 4

Hues a aproba pa interoga cuater testigo den caso di malversacion contra Besaril y Ling

FISCAL LO BAY CUMINSA CASO PA BESARIL PAGA 197 MIL FLORIN -2-

FISCAL TA REACCIONA

Fiscal a bisa cu loke ta haci fastioso di e petitionnan, ta kico ta wordo nenga. Na opinion di Fiscal, Besaril a haci uso di su derecho di silencio y no tabata duna contestanan. Fiscal a puntra si Besaril ta desmenti di a malversa door cu no tabatin maneho. Tambe Fiscal kier sa si Besaril ta bisa cu el a sigui e maneho cu otronan tabata haci. Na opinion di Fiscal, Oduber a bisa cu Besaril no mester a usa creditcard di Aruba Huis ora e ta viaha den exterior. Fiscal a bisa cu no ta acusa Besaril di a bay huur un cas sino cu a haci gastonan na e cas sin cu a pidi aprobacion pa esaki. Fiscal ta haya cu ta fastioso pa haci preguntanan riba maneho na e testimonian pasobra riba cual maneho lo bay puntra. Fiscal a bisa cu e ta haya cu Giel, señora Oduber, secretario di Consejo di Minister, a duna suficiente declaracion y no ta necesario pa mas investigacion.

BESARIL TA CUESTIONA PERSECUSION

Besaril a bisa Hues cu no ta facil di tabata un homber di ley pa 20 aña, y awor ta den Corte

sinta den stoel di acusado. El a bisa cu semper el a para pa ley. El a cuestiona con Gobierno ta bira pa fundamentonan importante den nos constitucion y ta bira cara. El a cuestiona cu el a invita Paris den Arubahuis y Paris a bay coba cosnan cu no mester. Besaril ta haya cu CAD ta haci cosnan cu no ta corecto. Ta pesey e kier pa testimonian papia pa e berdad sali na cla. Besaril a remarca cu e 21 miembronan di Parlamento cu a aproba e presupuesto cu e mester a atene su mes na dje, no ta dilanti Hues. Besaril a muestra cu un hende cu tabata sinta na su man drechi, e homber W., a haci cosnan tambe y a yega na palabracion di paga y lo bolbe dun'e un posicion. Di con e si ta wordo cera den prison y siendo cu otronan den mesun funcion si no a wordo persigui asina.

HUES A APROBA 4 TESTIGO

Hues a pospone e caso pa pensa un rato pa asina tuma un decision. Despues di un rato a sigui caminda Hues a bisa cu mester tin un proceso husto di investigacion den un caso penal, caminda acusadonan tin derecho di

scucha testimonian. Hues a bisa cu e ta aproba pa scucha señora Oduber, señor Giel, señora Giel, secretario di Consejo Minister señora Koolman. Hues a bisa cu den e interrogacionnan, no por puntra riba presupuesto pero si riba e asunto di credit card. Koolman lo por wordo interoga riba viahenan di trabao di Besaril. No por bay haci preguntanan riba presupuesto. Hues ta haya cu esey no ta relevante. Hues a sigui bisa cu tampoco por haci pregunta riba e asunto di cas compara cu antes y awor. Pesey lo no bay scucha e otro testimonian.

Abogado mr. Illes a bisa cu e ta uni na peticion di mr. Canwood pa scucha e testimonian. Tambe el a bisa cu e no por 16 Mei 2025 pasobra e ta den exterior y e dia ey e ta yega. Hues a bisa cu lo mantene e otro dlanan. Hues a bisa cu e lo instrui Hues Comisario, pa interrogacion. Hues a bisa cu no por fiha dia exacto pa tratamiento pero ta mantene dlanan 20 y 23 Mei 2025 y segun tratamiento, lo mira cual ta e otro dia cu mester bin acerca.

LADRON GARA "OP HETERDAAD" TA HORTA NA EX-JIMMY'S PLACE



Diamars madrug a drenta informe di cu tin ladronnan hortando na e antes lugar yama "Jimmy's" na Weststraat mesora a dirigi no un ni dos pero 3 patruya. Na yegada di e patruyanan a logra captura e consoido di polis H. Mientras e doño



di e localidad cu antes tabata Jimmy's Place a conta na polis cu dos di e empleadonn tabata tras di un ladron cu a drenta pa horta den su localidad.

Nan tabata tin un otro wanta caba den e localidad.

Esun cu nan a gara tabata herida y tabata mester atencion medico y a pidi ambulans p'e. E doño y trahadornan a topa cu nan "op heterdaad" ta horta. Esun riba e bicicleta a logra huy y no a logra gar'e

ACF TA INTRODUCI ‘NATURALES TA PAPIA’



Un programa nobo cu ta conecta comunidad di Aruba cu naturalesa a traves di programanan di educacion y concientisacion. ORANJESTAD, ARUBA – 12 MAART 2025 – Aruba Conservation Foundation (ACF) como un organisacion independiente di maneho di conservacion ta anuncia e introduccion di e programa ‘Naturalesa ta Papia’ – un programa nobo diseña cu e meta di conecta e comunidad di Aruba, grandi y chikito cu Aruba su naturalesa diverso a traves di diferente sesionnan manera discurso, actividadnan interactivo, y encuentronan educacional pa stimula un conexion cu Aruba su naturalesa.

ACF den su rol di educador ta facilita experiencianan

educacional cu ta memorabel, cu ta inspira, y transforma. Esaki por medio di enfoke riba Aruba su naturalesa unico, herencia cultural, conservacion, y practicanan sostenible pa asina participantenan por conecta emocionalmente y crea un comprendemento mas profundo di balornan di naturalesa cu nos ta proteha. Como parti di e programa ‘Naturalesa ta Papia’ ACF ta lansa un actividad yama ‘Encuentro di Conocemento’ cu lo tuma lugar na diferente ocasion durante aña 2025, unda cu cada encuentro lo pone un enfoke riba diferente temanan di naturalesa. Akinan, conocimiento ta wordo comparti den un manera educativo y interactivo pa un y tur.

E prome ‘Encuentro di Conocemento’ a tuma lugar dia 6 di maart y a enfoka riba Mond di Mangel unda cu diferente expertonan di ACF hunto cu Ban Lanta y Planta a comparti y demonstra e rol importante cu Mangel tin pa naturalesa. Atendi pa 40 persona na MFA Savaneta, e anochi tawata uno informativo cu a laga participantenan contento di por a siña mas tocante e mangelnan di Aruba participa activamente den e actividadnan pa comprende mas di cerca e funcion di e sistema ecologico akinan. E proximo ‘Encuentro di Conocemento’ lo enfoka riba e tema di Mond di Mangel un biaha mas dia 10 di april 2025. Lugar di encuentro lo wordo anuncia despues.

Pa mas informacion por tuma contacto cu Aruba



Conservation Foundation bishita paginan social na info@acf.aw of por Facebook of Instagram.



Corte di Prome Instancia 13 maart 2025

| Horario | Sospechoso | Acto Castigabel |
|---------|------------------------|--|
| 14.00 | M.A.d.M. | Pro forma. D.M. ta wordo acusa di abuso sexual di un persona bao 12 aña den september 2019 te oktober 2022. |
| 14.00 | S.O.H. | Pro forma. H. ta wordo acusa di violacion di un persona bao 16 aña na 2023. |
| 14.00 | A.J.Z.C.R. J.C.A.S. | Pro forma. C.R. y A.S. ta wordo acusa di intento asesinato y posesion di arma di candela riba 8 di september 2024. |

Prome Minister Evelyn Wever-Croes:

Durante conferencia CSW69 na Nacionnan Uni,

PROME MINISTER A PARTICIPA NA E EVENTO “LEGALLY BOLD: REWRITING LAWS TO END VIOLENCE AGAINST WOMEN”



Na Nacionan Uni durante e conferencia di ‘Commission on the Status of Women’, Prome Minister Evelyn Wever-Croes hunto cu Minister Plenipotenciario di Sint Maarten, Gracita Arrindell a participa na e evento “Legally Bold: Rewriting Laws to End Violence Against Women” organisa pa Czech Republic.

A trata di un evento unda a adresa temanan huridico pa cu abuso contra hende muhe. E topico cu Prome Minister di Aruba a trece dilanti a trata di “hate

speech” y “cyber crime” contra hende muher, algo cu ta pasa hopi na Aruba.

Prome Minister durante su discurso a expresa cu como e prome Prome Minister femenino di Aruba e ta sumamente orguyoso di ta na un evento asina importante cu ta trata violencia contra hende muhe. Akinan e mandatario a splica di e pasonan cu Aruba a tuma riba e tema aki cu leynan pa protege hende muhe y mucha muhe y cu ta sigura husticia pa e victima. El a splica di e Ley

di Violencia Domestico, cu ta duna un marco legal cla pa trata abuso domestico, ofreciendo proteccion, y sigurando un recurso legal rapido pa e victimanan. Otro logro grandi di pais Aruba cu e mandatario a elabora riba dje ta e lansamento di e National Gender Policy, cu ta trata areanan critico manera violencia basa riba genero, empoderamento economico y proteccion social.

Prome Minister a sigui bisa cu apesar di e logronan grandi di Aruba, e trabou

no ta cla. Pa sigui combati violencia di genero, nos mester adapta nos leynan continuamente pa atende cu menasanan nobo, manera cyber-harassment y abuso online. E era digital a introduci formanan nobo di violencia cu ta rekeri solucion legal innovativo y e compromiso di nos ta pa desaroya leynan dirigi specificamente riba esaki. Pero ta importante pa fomenta un cultura di prevencion. Mester inverti den campaña di educacion y conscientisacion y pa esaki e colaboracion cu organisacionnan civil,

empresanan y partnernan internacional ta esencial.

Na cierre di su discurso Prome Minister a expresa: “Mi ta hasi un yamada na tur nacion pa uni cu nos. Ban traha hunto pa cambia y mehora leynan cu ta protege hende muhe, pone e agresornan responsabel, y crea un mundo unda tur hende muhe por biba liber di violencia. Hunto nos por construi un futuro unda no ta tolera violencia di genero y unda husticia y igualdad ta prevalece”.

BIN CONTROLA BO SALUD NA CENTRO DI BARIO PLAYA PABAO

Playa Pabao – Diasabra, 15 di maart, habitantenan di Playa Pabao y di Aruba engeneral por controla nan salud na nos Centro. E cotrole ta cuminsa mainta 8’or y lo termina merdia pa 12’or. Bo salud lo wordo controla dor

di Fundacion C.V.A. cu e aña aki ta celebra nan 20 aniversario. Lo controla: sucu, colesterol, peso y BMI, presion, presion di wowo y di dentadura. Pa hasi e controle lo no cobra y no lubida cu un controle ta dunabo un signal si bo

manera di biba ta bon of mester ahuste. Pues nos ta topa diasabra na Centro di Bario Playa Pabao. Stimula un miembro di famia, bisaña of amigo pa bin hasi e test.

Riba piso cinco di HOH cu un bunita bista di lama: HOH TA ANUNCIA PROYECTO DI UN CENTRO DI DIALISIS NOBO



Durante luna di maart ta pone atencion riba Dia Internacional di Riñon cual e aña aki ta diahuebs dia 13 di maart. En conexion cu e luna aki, Horacio Oduber Hospital (HOH) a mira e oportunidad pa anuncia y comparti cu comunidad di Aruba cu pronto lo start riba un Centro di dialisis nobo. E proyecto aki a inicia algun tempo atras unda cu a sondea diferente posibilidad pa amplia y trece hunto e clinica di Dialysis y e policlinica di Nefrologia asina brinda servicio na pashent na mesun lugar. Esaki ta cuadra cu e vision di HOH esta “Accessible health care for everyone without compromising on quality”.

Proyecto “state of the art”

“Den luna di maart nos ta pone atencion riba e Dia Internacional di Riñon y ta p’esey a scohe awo pa anuncia y comparti cu comunidad e proyecto

nobo aki”, asina Gregory Croeze, miembro di Hunta di Directiva di HOH, a inicia bisando. Ademas el a comenta cu inicialmente e espacio riba piso 5 tabata programa pa bira oficina pero a prefera pa cambia di idea y destina e piso aki cu un bunita bista pa nos pashentnan di dialysis. E team encarga cu e proyecto pa e Centro di dialisis aki ta consisti di colega di diferente departamento pa percura cu ta cubri tur e puntonan necesario pa e ta un exito.

E pashent na prome luga

“Como nefrologo mi ta hopi contento cu e proyecto aki”, asina nefrologo Romeo Kock a inicia bisando. E ta hopi gradicido cu Hunta di Directiva a tuma e decision pa expande y crea un espacio pa asina HOH haya un “state of the art dialysis center”. E centro nobo lo ta ubica riba e di cinco piso di e edificio principal di



Horacio Oduber Hospital, esta den Toren A.

Dokter Kock ta di pensamiento cu riba di cinco piso pashentnan lo sinti nan mes mas contento cu’n espacio mas amplio y cu un bunita bista di Aruba. Alabes tin idea pa introduci inovacion den tratamiento y door di incorpora e policlinica akinan tambe, lo rece cune mehoracion den comunicacion y, intercambio di informacion entre nan tur, esta e specialistanan, e nursenan y sigur e pashentnan.

Experiencia di pashent
Jacco Vroegop, Presidente

di Hunta di Directiva di HOH, a expresa cu pronto lo cuminsa cu e destaho publico pa despues cuminsa cu e construccion. E ta spera cu denter di un aña lo por atende e prome pashent den e Centro di dialysis nobo aki. Vroegop a splica cu parti di e vision di HOH ta encera tambe hospitalidad. Pronto e pashentnan cu ta tuma dialysis tres biaha pa siman no lo mester sinta wak muraya mas manera ta e caso awo, pero lo por tin un experiencia mas bunita cu e bista di nos lama. Esaki tambe ta yuda pa haci e experiencia uno hopi mas placentero, pues un bunita proyecto na beneficio di

nos pashentnan di dialysis y no lubida, tambe pa esnan cu ta bishita nos isla y tin mester di dialysis durante nan vacacion.

Finalmente Hunta di Directiva ta gradici tur stakeholder interno cu ta trahando duro riba e proyecto aki. Tambe team di HOH ta recorda tur hende cu bo riñon ta mantene bo saludabel pues cuida nan. Bebe suficiente awa, come saludabel y haci ehercicio. Horacio Oduber Hospital ta contento cu un otro paso importante den mehora servicio y calidad di cuidu medico pa Aruba henter y alabes pa tur cu ta bishita nos isla.


Rescate di dos turista riba waverunner



Wardacosta Caribe
Hulandes awe tardi a
risibi un notificacion
di un compania di
watersport
den area di Eagle Beach
cu tin dos turista perdi
riba lama. E compania di
watersport mes a
bai busca e dos turistanan
riba lama y a encontra
un waverunner, pero no
tawata tin ningun
persona ariba. Mesora e
Centro di Operashonnan
(MOC) di Wardacosta a
dirigi e helicopter
y un Metal Shark pa









busca e dos turistanan
riba lama.
Durante e busceda a
bin encontra e otro
waverunner 3 mia for di
costa di Hadicurari cu un
hende homber so ariba.
Ya na e momento ey solo
a baha, locual a cuminsa
dificulta e
busceda di e di dos
persona. Dado momento
e helicopter a mira un
hende homber den lama
na mas o menos 2.7 mia
for di costa y MOC a
dirigi e Metal Shark pa
bai saca e homber for



di lama. Esaki a resulta
di ta e otro turista hende
homber cu tawata perdi.
Ora a saca e
homber for di awa, e
homber aki a indica cu e
no tawata sinti su curpa
bon. Mesora e
helicopter di Wardacosta
a bin busca e homber riba
e Metal Shark pa hiba e
homber aki
airport caminda un
ambulance tawata warda
riba dje pa hibe hospital.
Wardacosta ta desea
e persona pronto
recuperacion.







Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
















Resultado: Sorteo di Merdia 🎡 - March 12, 2025

| |
|---|
|  |
| Sorteo # 4562 |
| 9088 |
| 3733 |
| 8882 |
|  |
| X3 |
|  |
| Sorteo # 4562 |
| 1750 |
|  |
| X2 |
|  |
| Sorteo # 2618 |
| 7041 |
|  |
| Sorteo # 4562 |
| 8174 |
| Virgo |
|  |
| Sorteo # 1436 |
| 863 |
|  |
| X5 |

| | |
|---|---|
|  | |
| Sorteo # | Joker Letter |
| 0 x Jackpot | <div style="background-color: black; color: white; padding: 5px; font-weight: bold;">Proximo Jackpot</div> <div style="font-size: 36px; font-weight: bold; margin-top: 10px;">180.000,-</div> |
| 0 x Match 4+ | |
| 0 x Match 4 | |
| 0 x Afl. 12,00 | |
| | |
|  | |
| Sorteo # | Proximo Jackpot |
| 0 x Jackpot | <div style="background-color: black; color: white; padding: 5px; font-weight: bold;">Proximo Jackpot</div> <div style="font-size: 36px; font-weight: bold; margin-top: 10px;">54.000,-</div> |
| 0 x Match 4 | |
| 0 x Afl 8,00 | |

| | |
|---|---|
|  | |
| Sorteo # | Mega Ball |
| 0 x Jackpot | <div style="background-color: black; color: white; padding: 5px; font-weight: bold;">Proximo Jackpot</div> <div style="font-size: 36px; font-weight: bold; margin-top: 10px;">280.000,-</div> |
| 0 x match 4 | |
| 0 x Afl. 500,00 | |
| 0 x Afl 50,00 | |
| 0 x Afl.15,00 | |
| | |
|  | Afl. 380.000,- |
| | |
|  | |
| Sorteo # | |
| | |
| | |
| | |



| | | | | |
|---|--|---|---|--|
|  | | Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com | | |
| Resultado: Sorteo di Anochi - March 12, 2025 | | | | |
|  | |  | | |
| Sorteo # 8494 | | Sorteo # | Joker Letter | |
| 8163 | | 0 x Jackpot | Proximo Jackpot | |
| 0749 | | 0 x Match 4+ | 180.000,- | |
| 7711 | | 0 x Match 4 | | |
|  | | 0 x Afl. 12,00 | | |
| X2 | |  | | |
|  | | Sorteo # 6767 | Proximo Jackpot | |
| Sorteo # 7538 | | 0 x Jackpot | 54.000,- | |
| 8847 | | 8 x Match 4 | | |
|  | | 221 x Afl. 8,00 | | |
| FP | |  | | |
|  | | Sorteo # 1748 | Mega Ball 03 | |
| Sorteo # 2243 | | 0 x Jackpot | Proximo Jackpot | |
| 5943 | | 2 x match 4 | 280.000,- | |
|  | | 5 x Afl. 500,00 | | |
| Sorteo # 6297 | | 39 x Afl. 50,00 | | |
| 5915 | | 76 x Afl. 15,00 | | |
| Cancer | |  | | |
|  | | Afl. 380.000,- | | |
| Sorteo # 1227 | |  | | |
| 855 | | Sorteo # |  | |
|  | | | | |
| X3 | | | | |
| | | | | |

DAMA DI 39 AÑA DI EDAD A CAY KIBRA SU ENKEL PATRAS DI SURFSIDE



Diamars atardi a drenta informe di cu un dama a cay y herida su mes patras di Surfside, mesora a dirigi un ambulans na e sitio. Na

yegada di e ambulans a bin compronde cu e dama lo a cay y a kibra su enkel. E personal a atende y a transporte pa hospital.

2 AMBULANS A BAY UN CANCHA DI TENNIS NA PALM BEACH PA UN TURISTA CU A SAK DEN OTRO DURANTE WEGA



Dialuna mainta a drenta informe di cu un turista a sak den otro na un cancha di tennis na Palm Beach, mesora a dirigi tanto polis como 2 ambulans na e sitio.

Na yegada di e patruya ya caba e victima a ser

hinca den ambulans y tabata ser transporta pa hospital. Mientras un otro ambulans a avisa e patruya cu ta un turista masculino cu tabata hayando un atake di curason y a ser hillba caba den e prome ambulans.



14 Maart 2025 | 7:30 PM - 11:30pm

Minister Thijsen na “oratie” di Wouter Veenendaal



Den Haag – Minister Plenipotenciario demisionario mr. Ady Thijsen a atende recientemente e “oratie” di dr. Wouter Veenendaal na Universidad di Leiden.

Wouter Veenendaal a keda nombra como profesor extraordinario y su encargo ta: Representacion Democratico den Reino Hulandes. Dr. Veenendaal a tene su “oratie” cu tabata tin como titulo “Op voet van gelijkwaardigheid? Schaal en

democratie in de Koninkrijksrelaties (A base di igualdad? Escala y democracia den Relacionnan di Reino).

Durante di tres aña dr. Veenendaal lo haci investigacion den esaki. E catedra aki tabata posibel cu sosten di Ministerio di Asuntonan Interior y di Relacionnan di Reino (BZK).

Nota pa redaccion: E potretnan ta cortesía di Arubahuis

Departamento di Aduana ta cera en conexion cu Dia di Himno y Bandera y dia colectivo di ATV

ORANJESTAD - Departamento di Aduana ta informa cu su oficinanan lo ta cera riba dialuna 17 di maart en conexion cu dia colectivo di ATV y diamars 18 di maart 2025 en conexion cu celebracion di Dia di Himno y Bandera. Tur servicio pa cliente y publico en general

lo reanuda diaranson 19 di maart desde 7.30’or di mainta.

Departamento di Aduana ta pidi pa tuma nota di e informacion comparti y ta desea comunidad di Aruba un feliz Dia di Himno y Bandera 2025.

Paga bo cuenta online ta facil

Sea
Abonnement
of Aviso



Pa hasi pago online pone number y adres na
cuenta di banco RBC Sunmax Printing
account # 7700000100152447

SOLO
Di Pueblo
awor!

**Yama 585-9500 of e-mail nos na
solodipueblo@gmail.com**

**Reverendo Pastoor Jozef Pelc y
reverendo Diacono Michael Nicolaas
di Parokia Birgen di Fatima, Dakota,**

Ta invita tur parokiano y pueblo di Aruba en general
pa un Santo Sacrificio di Misa, diahuebs, 13 di
maart pa 8’or di mainta, pa yama nos Arsobispo,
Jason Gordon, bon bini cerca nos.

Boso presencia ta altamente aprecia.

STICHTING MONUMENTENFONDS ARUBA A REUNI CU FORMARDONAN TOCANTE FUTURO DI ARUBA SU MONUMENTONAN

Directiva di Stichting Monumentenfonds Aruba (SMFA) a ricibi e oportunidad pa tene un reunion cu e formadornan pa trata e importancia di cuido di monumentonan na Aruba. Durante e reunion a presenta informacion tocante e organisacion, e proyectonan y e posibilidadnan pa reforsa e preservacion di monumentonan como parti esencial di nos herencia cultural.

Den e combersacion, a enfatisa cu ta necesario pa e gobierno y SMFA traha mas cerca hunto pa logra un miho cuido di nos patrimonio. A presenta tres punto esencial como base pa un plan sostenibel pa nos monumentonan:

1. Proteccion di monumentonan den man priva
Hopi edificionan monumental ta den man priva y ta fundamental pa por continua cu e proteccion di edificio y casnan historico



particular. Esaki lo contribui na por adkiri fondonan local y den exterior pa por duna sosten na e propietario nan cu e entre otro restauracion y mantencion di nan cas y edificionan historico.

2. Un plan strategico pa monumentonan di Gobierno di Aruba
Gobierno tin hopi monumento bou di su responsabilidad. Mester tin un plan structura pa

conserva, restaura y duna un destino apropia na e edificionan aki, cu por contribui na economia y comunidad.

3. Uzo di monumentonan pa departamentonan gubernamental
Organisacionnan y departamentonan gubernamental por tin un rol clave den e re-uzo di edificionan historico. Alocando departamentonan di gobierno den

monumentonan, nos ta no solamente conserva nos herencia cultural, sino tambe duna un uso sostenibel na edificionan cu ta actualmente bashi y bandona.

Stichting Monumentenfonds Aruba

ta desea un colaboracion constructivo cu e gobierno pa realisa e obhetivonan aki y asina preserva nos herencia cultural pa e futuro generacionnan.

Tocante Stichting Monumentenfonds Aruba (SMFA)

SMFA ta un fundacion cu mision pa adkiri, conserva y restaura monumentonan na Aruba pa sigura cu nan ta mantene nan balor historico y cultural pa e futuro. Tambe ta encarga cu conscientizacion di e importancia di nos monumentonan como parti esencial di nos herencia cultural. E fundacion ta doño di 18 monumento y ta traha den colaboracion cu instansianan publico y priva tanto local como internacional riba tereno di preservacion.

Pa mas informacion, bishita www.smfafa.org

Rosario Bibo diahuebs 13 di maart na kapel di Alto Vista

Diahuebs 13 di maart proximo lo tin otro Rosario Bibo na kapel di Alto Vista cuminsando pa 7 or y mey di anochi.

Nos ta den temporada di Cuaresma, tempo di orashon, ayuno y abstinencia. Nos por reflexiona tocante nos relacion cu Dios y nos prohimo, con nos por mehora esaki. Sigui den pasonan di Hesus pa stima otro. Haci hopi orashon pa nos sernan keru y pa nos mes y asina prepara nos mes pa bida eterno.

Ayuno y abstinencia ta pa nenga algo pa nos mes y duna otronan cu ta den necesidad.

Haci sacrificio, bon obra, comparti cu otro e palabranan di Dios.

Cada persona por presenta su intencion personal durante e Rosario Bibo y hunto lo resa pa tur intencion particular y general.

Un invitacion na tur hoben y adulto pa asisti na e Rosario Bibo diahuebs awo 13 di maart, pa 7 or y mey di anochi na kapel di Alto Vista

Pa Orashion prome
cu entiero

ESTA VIGILIA

y orashion despues

di entiero esta

OCHO DIA

por jama

Atanasio Bremono

Cel. 569 2763

of 568 6141

SEMPER NA BO ORDO



Documentario Arubano Memoria Ancestral lo Estrena na Curaçao International Film Festival (April 9-13, 2025)



Oranjestad, Aruba – Memoria Ancestral, e documental pionero cu ta explora e antepasadonan di sclabitud y pasado colonial di Aruba, a wordo selecta oficialmente pa e Curaçao International Film Festival, cu ta tuma lugá di 9-13 di April 2025. E seleccion aki ta marka un logro significativo pa contamento di historia di Aruba, tresiendo un narativo historico y personal na escenario internacional.

Encarga pa Cas di Cultura y crea pa artistanan Natusha Croes, Layzima Emerencia, y Darwin

Winklaar, Memoria Ancestral ta un produccion multidisciplinario cu ta profundisa den influencia duradero di colonialismo, particularmente e sclabitud Afro-Indígena cu a forma e historia di Aruba. Desaroya den colaboracion cu institutonan Arubiano, y expertonan, e documental ta un reflexion poderoso riba identidad, resiliencia, y herencia cultural.

“Nos ta honra cu Memoria Ancestral a wordo escogi pa Curaçao International Film Festival,” segun Cas di Cultura. “E reconocemento aki ta

destaca e importancia di rebishita nos pasado y amplia e bosnan cu pa hopi tempo no a wordo skucha.”

E documental a bira posibel door di e sosten generoso di Mondriaan Fonds y DNB Fonds Caribisch Deel, poniendo enfasis riba e balor di preservacion artistico y historico den Caribe.

Curaçao International Film Festival lo tuma lugá di 9-13 di April 2025, brindando un oportunidad pa un publico internacional conoce e piesa critico aki di historia cultural. Mas



detaye tocante e schema di proyeccion y participacion

na festival por wordo haya riba www.curacaoiff.com.

ESNAN CU A DIVORCIA Y TA BIBANDO CU OTRO PERSONA DEN ADULTERIO Y NAN TA KERE CU NAN TA SALBA

Bo no sa, cu unabes cu bo ta casa pa Dios den e Sacramento di Matrimonio, bo ta keda casa pa Dios te na morto y Dios no ta reconoce divorcio. Awor, si bo ta un hende divorcia y bo ta biba cu otro, anto ta con bo por yama bo companjante bo esposo of bo senjora maske cu boso ta casa pa raad? Bo no tabata sa cu bo ta bibando den e pika condenabel di adulterio? Bo sa cu e pika di adulterio ta condenabel pa Dios y na tur esnan cu a muri den nan pikanan di adulterio, nan lo no drenta den e Reino di Dios y nan destino lo ta den fierno of den purgatorio. Bo mester compronde cu e di 6 Mandamento di Dios Tata ta bisa bon cla: “Lo bo no comete e pika di adulterio.” Lesa den Bijbel Mateo 5: 32, na unda Senjor Hesus ta adverti bon cla: “Ami ta bisa boso: Ken cu divorcia di su senjora, si no ta pa motibo di infidelidad, e ta pone su senjora comete adulterio. Es cu casa cu e senjora divorcia, e tambe ta comete adulterio.” Akinan nos por compronde bon, si un homber divorcia di su senjora, anto e ta provoca cu e senjora ta bay busca un otro persona pa biba cun’e den e pika di adulterio. Akinan e homber cu a divorcia di su senjora, ta keda responsabel di su senjora cu el a divorcia. Y tambe e homber ta keda responsabel di su senjora cu ta bay perdi den e pika di adulterio.

Na e dia di huicio dilanti di e tribunal di Dios Tata, e homber y e muher tin di duna cuenta di nan actonan di divorcio y di adulterio.

Lesa den Bijbel Marko 10: 6-9 : “Na principio di creacion, Dios a traha homber y muher, p’esey e homber lo laga su tata y su mama pa e uni cu su muher y nan dos lo bira un solo curpa. Di manera cu nan no ta dos mas, sino un solo curpa. Pues loke cu Dios a uni, no ta permiti pa hende separa.” Esaki ta e Sacramento di Matrimonio di Dios den Misa, na unda cu Dios ta uni e pareha den un solo curpa, pa medio di un sacerdote y cu dos testigo. Tambe bo por compronde, cu Dios no ta reconoce divorcio y e pareha mester keda uni te na morto, maske cu nan a divorcia pa raad.

Dia cu bo a casa den e Sacramento di Matrimonio den Misa pa Dios, bo no a huramenta pa Dios dilanti di altar, cu bo lo keda fiel den bon tempo y den tempo di adversidad, den tempo di abundancia y den tempo di pobresa, den tempo di

salud y den tempo di enfermedad, den tempo di pas y den tempo di pleito y di stima otro manera bo mes y di keda fiel te na morto?

Awor mi ta puntra bo, ta na unda bo huramentonan a keda dilanti Dios? Laga nos lesa den Bijbel Mateo 5: 33, na unda cu Senjor Hesus ta bisa tocante huramento : “Tambe boso a tende loke a ser bisa na boso antepasadonan: Lo bo no kibra huramento y lo bo cumpli loke cu bo a huramenta na Senjor.” Akinan, bo no a huramenta dilanti di Dios den Misa, di keda hunto y fiel cu bo pareha te na morto? Den Bijbel Huan 4: 5-42, akinan nos por lesa, ora cu e muher Samaritana a pidi Hesus p’e haya e awa di bida eterna, p’e no haya sed di awa nunca mas, anto Hesus a bise, bay busca bo esposo y bin cun’e cerca Mi. E muher Samaritana a bisa Hesus, mi no tin esposo, anto Hesus a bise’le, bo tabata tin 5 homber y e homber cu bo ta bibando cun’e awor, no ta bo esposo. Akinan nos por compronde cu e muher Samaritana ta bibando den e pika grandi di adulterio, pasobra ela divorcia di su prome casa, pa despues ela bay biba cu diferente homber den e pika di adulterio. Akinan tambe, Senjor Hesus ta bisa na tur esnan cu a divorcia y ta bibando den e pika di adulterio, pa nan bay busca nan senjora of nan esposo cu Dios a uni nan den e Sacramento di Matrimonio, pa e pareha cu a divorcia por ta salba di e condenacion den fierno. Bo no tabata sa, si bo muri den bo pika di adulterio, bo no por drenta den e Reino di Dios. Lesa den Bijbel 1 Corinthionan 6: 9 y 10: “Boso no sabi, cu e inhustonan lo no drenta den e Reino di Dios? No ganja boso mes, pasobra ni e fornicadornan, ni e adoradornan di diosnan falso, ni esnan den adulterio, ni e homosexualnan, ni e ladronnan, ni e burachenan, ni e blasfemadornan, ni esnan golos pa plaka, ni e abusadornan, nan tur lo no drenta den e Reino di Dios.”

Tambe den Bijbel Testament Bieuw Levitico 20: 10, na unda cu Dios Tata ta bisa: “Si un homber ta comete adulterio cu un muher casa di su prohimo, nan dos lo muri, e adultero y e muher adultera.” P’esey cambia boso bida prome cu ta laat, pa boso no ser condena den e candela di fierno despues di morto.

SUDOKU

| | | | | | | | | |
|---|---|---|---|---|---|---|---|---|
| | 3 | | 2 | | 9 | | 7 | |
| 9 | | | 4 | 1 | 3 | | | 8 |
| | | 1 | | 7 | | 3 | | |
| 7 | 1 | | | 4 | | | 9 | 5 |
| | 8 | 6 | 9 | | 7 | 4 | 3 | |
| 5 | 9 | | | 2 | | | 8 | 7 |
| | | 8 | | 6 | | 9 | | |
| 6 | | | 1 | 3 | 2 | | | 4 |
| | 4 | | 8 | | 5 | | 6 | |

| | | | | | | | | |
|---|---|---|---|---|---|---|---|---|
| | | 6 | 7 | | 4 | 9 | | |
| | 5 | | | 6 | | | 8 | |
| 2 | | | | | | | | 5 |
| 3 | | | | | | | | 1 |
| 1 | | | | | | | | 2 |
| | 8 | | | | | | 3 | |
| | | 7 | | | | 6 | | |
| | | | 3 | | 9 | | | |
| | | | | 8 | | | | |

| | | | | | | | | |
|---|---|---|---|---|---|---|---|---|
| | 7 | | | 6 | | | | 9 |
| 6 | | | 5 | | | | 8 | |
| | | 4 | | | | 7 | | |
| | 3 | | | | 6 | | | |
| 2 | | | | 5 | | | | 8 |
| | | | 4 | | | | 1 | |
| | | 3 | | | | 4 | | |
| | 2 | | | | 7 | | | 3 |
| 1 | | | | 8 | | | 2 | |

FORTALEZA PA FAMILIA

Scirbi pa Pastor Marcel Balootje.

UN BON RELACION CU DIOS, TA FUNDESHI PA TUR OTRO BON RELACION

E ladron ta bini pa horta, pa mata y pa destrui, esey nos tur mester tene cuenta cune, pasobra mescos cu den mundo tin hopi fake accounts, tin hopi relacion cu ta basa riba emocion y no riba amor berdadero.

Esun cu ta stima semper lo encurasha, y nunca lo busca pa perhudica esun cu e ta stima den nada.

Esun cu ta stima semper lo stima coreccion y disciplina, pa asina un mihor relacion por sali pa dilanti

Si un hende ta stima bo semper lo e anima bo pa sirbi Dios, y nunca purba di ta mas importante cu Dios den bo bida.

Cuidao cu manipulacion amoroso, cu ta stroba bo di sirbi Dios, y lubida riba Dios.

Pasobra e enemigo ta campeon den trece piedra di tropica pa danja hende su relacion cu Dios.

Nos mester tene bon cuenta ken nos ta complace, no lubida cu den e bida di Job den un momento di mas delicado di su relacion cu Dios con

diabel a husa su propio esposa, pa desvia Job for di e caminda di Dios.(Job 2:9-10).

E boca dushi, e bon curpa, e bon tipo, e placa, e cas, e yuinan, e tremendo relacion sexual, no por surpasa riba nos relacion, cu Dios, pasobra nada por reemplasa Dios, den nos bida.

Ta bon pa tene cuenta, cu ora nos tin mester di Dios, ta Dios mes nos mester, y ningun hende por cohe e lugar di Dios, den nos bida.

Bo por bisa y demostra un persona cu bo stime, pero esey no por bay a costo di bo relacion cu Dios.

Por ehempel laga nos papia cla, un hende cu ta stima bo, ta anima bo, pa boso sirbi hunto, y no por existi pa bo tin mas tempo pa su persona, cu bo tin tempo pa Dios, pasobra esey ta pensamiento egoista y malbado, pa asina manipula y cohe dominio.

Beibel ta bisa cu e homber ta e cabes di cas, asina e asunto ey cambia, pa cualkier motibo humano,

mientras cu e matrimonio ta existi, tin algo cu no ta bon, pasobra un homber cu ta sirbi Dios mester ta cabes di su cas, y asina guia e hogar completo pa sirbi Dios.

Eva a come e fruta, Eva a pase pa Adam, pero na momento di yama pa ta responsabel, ta Adam Dios a yama, y te awe e mundo ta papia di e caida di Adam, cu ta Adam a peca, awel esey ta pa tur hende homber tene bon cuenta cune y para firme y sirbi Dios cu un curason autentico.

Hopi por bisa bo, cu nan ta stima bo, pero tene cuenta cuanto nan ta stima Dios, pasobra un hende cu stima Dios, ta interesa, pa tur esnan rond di dje stima ta Dios, pasobra e a experiencia con dushi e amor di Dios ta. Y sa con balora e amor di Dios, pesey den su curason ta existi un prioridad pa Dios.

Ora dos hende cu ta stima Dios uni, nan no po bay atras den nan sirbishi, pa Dios, y laga flohera y cosnan di

mundo entremete den nan relacion, cu Dios, pero mester demostra cu awor cu nan dos ta hunto, e cos ta mas firme cu mas dedicacion na Dios, pasobra semper e diabel ta keda riba loer.

Como pareha, como matrimonio, nos mester encurasha otro pa sirbi, pasobra si nos no haci esey e enemigo ta cohe bentaha den nos relacion.

Ta dushi pa stima otro, pero Dios, ta na prome lugar.

Oracion di dia

Un feliz dia bendiciona yena cu gracia di Dios

"Lo Bo ta sacerdote pa semper na e mesun manera cu Melkisedec."
(Hebreunan 7, 17b)

Ruman aki nos ta mira Hesus cu e titulo Sacerdote/Rey di Husticia pa semper, bunita titulo pa Hesus aunke Hesus no mester di ningun introduccion of titulo paso E ta Dios y Dios ta Amor. Asina mes den Hesus nos por experiencia Amor, E Amor Unico cu nos tur ta anhela consciente y inconscientemente nos tur ta anhela di experiencia E Amor di Dios.

Ta dificil pa esey sosode? Ta bon pa nos sa cu tur cos ta depende di con habri nos curason ta pa Hesus y con nos ta permiti Spirito Santo move den nos.

Diadomingo nos a scucha cu nos tin e donnan y awor ta keda nos nada mas cu resa y pidi Spirito Santo habri nos curason pa nos experiencia y pone e donnan den practica y asina acepta y cumpli cu Dios su boluntad den nos bida y nos biba!

Oracion: Hesus mare nos tur por reconoce cu Abo ta nos Rey di Husticia y acerca Bo curason misericordioso pa nos salvacion.
Amen

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500